

天
台
集

欽定四庫全書

天台集卷下

寄河陽從事楊潛

宋 林師歲 編

李 涉

憶昨天台尋石梁，赤城枕下看扶桑。
金烏欲上海如血，翠色一點蓬萊光。
安期先生不可見，蓬萊目極滄海長。
回舟偶得風水便，煙帆數夕歸瀟湘。
瀟湘水清巖嶂曲，夜宿朝遊常不足。
一自無名身事閑，五湖雲月偏相屬。

進者恐不榮退者恐不深魚遊鳥逝兩雖異彼此各有
遂生心身解耕耘妾能織歲晏飢寒免相逼稚子才年
七歲餘漁樵一半分渠力吾友從軍在河上腰佩吳鉤
佐飛將偶與嵩山道士期西尋汴水來相訪見君顏色
猶憔悴知君未展心中事落日驅車出孟津高顏共嘆
傷心地洛邑秦城少年別兩都陳事空聞說漢家天子
不東遊古木行宮閉煙月洛濱老翁年八十西望殘陽
臨水泣自言生長開元中武皇恩化親霑及當時天下

無甲兵雖聞賦斂毫毛輕紅車翠蓋滿衢路洛中歡笑
爭逢迎一從戎馬來幽薊山谷虎狼無捍制九重宮殿
閉豺狼萬國生人自相噬蹭蹬瘡痍今不平干戈南北
常縱橫中原膏血焦欲盡四郊貪將猶憑陵秦中豪寵
爭出羣巧將言智寬明君南山四皓不敢語渭上釣人
何足云君不見昔時槐柳八百里路旁五月清陰起只
今零落幾株松枯根半死黃河水

宿恰憤精舍

任翻

絕頂新秋生夜涼
鶴飛松露滴衣裳
前峰月照半江水
僧在翠微開竹房

宿桐柏觀

飄飄雲外客
暫起宿僊堂
半夜人無語
中宵月送涼
鶴歸高樹靜
螢過小池光
不得多時住
門開世事忙

台州早春

微雨夜來歇
江南春色回
已驚時不住
還恐老相催
人好千場醉
花無百日開
豈堪滄海畔
為客十年來

贈靈澈師

靈 一

禪師來往翠微間
萬里千峰到剡山
何時共到天台寺
身與浮雲處處閑

天台山華頂峰

靈 澈

天台衆峰外華頂當其空
有時半不見崔嵬在雲中

題王喬觀傳道士所居

靈 一

王喬已去空山觀白雲
只今凝不散壇場
月路幾千年
往往笙歌下
天半瀑布西行過
石橋黃精採根還採苗

忽見一人擎茶椀蓼花昨夜風吹滿自言住處在東坡
白犬相隨邀我過松間石上有棋局能使樵人爛斧柯

題寒山巖

寒山

重巖我卜居鳥道絕人跡庭際何所有白雲抱幽石住
茲凡幾年屢見春冬易寄語鐘鼎家虛名定無益

登陟寒山道寒山路不窮谿長石磊磊澗澗草濛濛苔
滑非關雨松鳴不假風誰能超世累共坐白雲中

題石橋

迥聳霄漢外雲裏路
峒堯瀑布千丈流如鋪練一條下
有棲心窟橫安定命橋雄鎮世界天台名獨超

天台寺

拾得

自從到此天台寺
經今早已幾冬
春山水不移人自老
見他多少後生人

送人遊天台

李洞

行李一條藤雲邊曉叩冰丹
經如不謬白髮若為能淺
井山人鏡明珠海客燈
乃知真隱者笑就漢庭徵

岐下送蒙上人歸天台

崔塗

坐徹秦城夏行登越客船去留那有著語默不離禪葉
擁臨關路霞明近海天石橋雲畔樹應老舊房前

寄天台葉尊師

王貞白

師住天台久長聞過石橋晴峰見滄海深洞徹丹霄採
藥霞衣濕煎芝古鼎焦念余無俗骨頻與鶴書招

天台瀑布

曹松

萬仞得名云瀑布遠看如織挂天台休疑寶尺難量度

直恐金刀易剪裁
噴向林梢成夏雪
傾來石上作春雷
欲知便是銀河水
墮落人間合却回

寄天台僧

許棠

赤城霞外寺
不忘舊登年
石上吟分海
樓中語近天
重遊空有夢
再隱定無緣
獨夜休行道
星辰靜照禪

題中巖寺

周朴

浮世師休話
晉時燈照岩
禽飛穿靜戶
藤結入高杉
存沒詩千首
廢興經數函
誰知將俗耳
來此避囂讒

題桐柏觀

東南一境清心目有此千峰插翠微人在下方衝月上
鶴從高處破烟飛岩深水落寒侵骨門靜花開色照衣
欲識蓬萊今便是更於何處學忘機

宿國清寺

周

賀

即僧清
寒也

一宿五峰杯渡寺虛廊中夜磬聲分踈林未落上方月
幽澗忽生平地雲高鳥背泉生靜景遠人當燭想遺文
暫來此地歇勞足望斷故園滄海濱

題桃源僧

陳光

桃源有僧舍，跬步異人天。
花亂似無主，鶴鳴疑有仙。
軒廊明野色，松檜濕春烟。
定擬辭鹿境，依師過晚年。

畫松

釋景雲

畫松一似真松樹，且待尋思記得無。
曾在天台山上見，石橋南畔第三株。

瀑布寺貞上人院

鄭巢

林疎多暮蟬，師去宿山煙。
古壁燈薰畫，秋琴雨潤絃。
竹

間窺遠鶴巖上取寒泉西嶽莎房在歸期更幾年

泊靈溪館

孤吟踈雨絕荒館亂峰前
曉鷺棲危石秋萍滿敗船
溜從華頂落樹與赤城連
已有求閑意來期在暮年

送象上人還山中

竹錫與袈裟靈山笑暗霞
泉痕生淨蘚燒力落寒花
高戶閑聽雪空窻靜擣茶
終期宿華頂須會說三巴

春日次錢塘却寄台州姚中丞

杜荀鶴

豈謂無心求上第難安帝里為家貧江南江北閑為客
潮去潮來老却人兩岸雨收鶯語柳一樓風滿角吹春
花前不獨垂鄉淚曾是朱門寄食身

登天台寺

一到天台寺高低景旋生共僧岩上坐見客海邊行野
色人耕破山根浪打鳴忙時向閑處不覺有閑情

寄臨海姚中丞

夏辭旌旆已秋深永夕思量淚滿襟風月易斑搜句鬢

星霜難改感恩心
尋花洞裏連春醉
望海樓中徹曉吟
雖有夢魂知處所
去來多被角聲侵

送僧歸國清

吟送越僧歸海涯
僧行渾不覺程賒
路沿山脚潮痕出
睡倚松根日色斜
撼錫度崗猿抱樹
搃荆成浪鷺翹沙
到參禪後知無事
看引秋泉灌藕花

送程尊師東遊有寄

羅隱

華蓋峰前擬卜耕
主人無奈又閑行
且憑鶴駕尋滄海

必恐犀軒過赤城絳簡便應朝右弼紫旄兼合見東卿
勸君莫忘歸時節芝似螢光處處生

往年進士趙能卿嘗話金庭勝事見示叙舊

會稽詩客趙能卿往歲相逢話赤城正恨故人無上壽
喜聞良宰有高情山朝佐命層層聳水接飛流步步清
兩火一刀罹亂後會須乘興雪中行

寄右省王諫議

耳邊要靜不得靜心裏欲閑終未閑自是宿緣應有累

可能時事更相關
魚慚張翰辭東府
鶴怨周顛負北山
看却金庭芝朮老
又驅車入七人班

寄楊秘書

潮水平來見鯉魚
偶因烹處得瓊琚
搜尋藻思千重後
吟想冰光萬里餘
漳浦病來情轉薄
赤城吟苦意何如
錦衣公子怜君在
十載兵戈從板輿

春日行天台山

貫休

重疊太古色濛濛
花雨時好峰行恐
盡流水語相隨黑

壤生紅朮黃猿領白兒因思石橋月曾與道人期

送友人及第後歸台州

得桂為邊辟翩翩頗合宜嫖姚留不住畫錦已歸遲
島側花藏虎湖心浪撼琪終期華頂下共禮綠身師

寄天台老僧

獨住無人處松龕岳色侵僧中九十臘雲外一生心
白髮垂不剃青眸笑更深猶能指孤月為我暫開襟

送道士歸天台

道高留不住道去更何云舉世皆趨世如君始愛君
逕侵銀地滑瀑到石城聞他日如相憶金桃一為分

招友人宿

銀地無塵金菊開紫梨紅棗墮莓苔一泓秋水一輪月
今夜故人來不來

送道友歸天台

蘚濃秀濕冷層層珍重先生獨去登氣養三田傳未得
藥非八石許還曾雲根應狎玉斧子月逕多尋銀地僧

太守苦留終不住可憐江上去騰騰

寄楚瓊上人

李咸用

遙知無事日靜對五峰秋鳥隔寒煙語泉和夕照流憑
欄踈磬盡瞑目遠雲收幾句出人意風高白雪浮

尋天台趙尊師不遇

姚鵠

羽客朝元晝掩扉林中一徑望中微松陰遶院鶴相對
山色滿樓人未歸盡日獨思風馭返寥天幾望野雲飛
憑高目斷無消息自醉自吟愁落暉

秋醉歌

張為

金風颯已起還是招漁翁携酒天姥岑自彈嶧陽桐脫
却登山屐赤脚翹青筇泉聲掃殘暑猿臂攀長松翠微
泛罇綠苔蘚分煙紅造化處術內相對數壺空醉眠巖
上草不覺夜露濃一夢到天曉始覺一醉中皎然夢中
路直到瀛洲東初平把我臂相與騎白龍三留對上帝
上樓十二重上帝賜我酒送我獻金鍾寶閣香斂苒琪
樹寒玲瓏動葉如笙簧音律相怡融珍重此一醉百骸

出天地長如此夢魂永謝名與利

默坐

釋齊己

燈引飛蛾拂焰迷露淋栖鶴壓枝低冥心坐睡蒲團穩
夢到天台過剡溪

贈胥尊師

熊皎

綠髮童顏羽服輕天台玉屋幾經行雲程去速因風起
酒債還遲待藥成房閉十洲煙浪濶籙開三洞鬼神驚
他年華表重歸日却恐桑田已變更

贈天台逸人

廖融

移檜託禪子携家上赤城
拂琴天籟寂歎枕海潮生
雪白寒峰晚鳥歌春谷晴
又聞乘桂檝載月十洲行

寄天台道友

盧士衡

相思遙指玉霄峰
悵望江山阻萬重
曾隔曉窓聞法鼓
幾同寒榻聽疎鐘
別來知子常餐柏
吟處將誰對倚松
且住人間行聖教
莫思天路便登龍

僧房聽雨

古寺松軒雨聲別寒窻聽久詩魔發記得前年在赤城
石樓夢覺三更雪

過蒼嶺

劉昭禹

盡日行方半諸山直下看白雲隨步起危逕極天盤瀑
頂橋形小溪邊店影寒往來空太息玄髮改非難

宿天台觀

鰲海西邊觀宵吟景象寬雲開孤月上瀑噴一山寒人
異髮常綠草靈秋不乾無由此棲息魂夢在長安

冬日暮國清寺留題

天台山下寺冬暮景如屏樹密風長在年深像有靈高
鐘疑到月遠燒欲連星因共真僧話心中萬慮寧

憶天台山

常記遊靈境道人情不低巖房容偃息天路許相攜霞
散曙峰外虹生涼瀑西何當塵役了重去聽猿啼

一行算法

孫 誦

一行尋師觸處遊到天台後始應休因知算法通天地

溪水尋常盡逆流

一行窮大衍算法求訪師資不遠千里嘗至天台國清寺見一院古松門有流水一行立於門屏間僧於庭前布算之聲謂其徒曰今日當有弟子自遠來求吾算法已合在門豈無人道達耶即除一算謂曰門前水合却西去弟子當至一行聞其言而入稽首請法授其術而門外舊東流水忽改而西流矣

送文穎上人遊天台

沈亞之

露花浮翠瓦鮮思起芳叢此際斷客夢况復別志公既
歷天台去言過赤城東莫說人間事崎嶇塵土中

寄休禪師

清塞

絕頂無禪侶長懷落髮師
齋歸門掩雪講徹樹生枝
沙井泉澄疾秋鐘韻盡遲
里中還受請又爽赤城期

訪隱者不遇

高駢

落花流水認天台半醉閑吟
獨自來惆悵仙翁何處去
滿庭紅杏碧桃開

送邢濟牧台州

僧皎然

海上名山屬使君石橋琪樹
古來聞他時畫出白團扇

乞取天台一片雲

宿桐柏觀

古觀秋木秀冷然屬僊颺瓊花被脩蔓柏實滿寒條影
殿山寂寂寥天月昭昭幽期寄仙侶習定至中宵清珮
聞虛步真官方夙朝

送重鈞上人遊天台

漸看華頂出幽賞意隨生十里行松色千重過水聲海
容雲正澹山態雪初晴事事將心證知君道可成

送德虛守如二上人還國清寺

道賢齊二阮俱向竹林歸
古碣穿花錦春裝卷葉衣
僧墟迴水寺佛隴啓山扉
愛別吾何有人心強有違

送旻上人遊天台

真心不廢別試看越溪清
知汝機忘盡春山自有情
月思華頂宿雲愛石門行
海近應須汎無令鷗鷺驚

贈惠律大師

劉昭禹

秋是憶山日禪牕露洒餘
幾懸華頂夢應寄沃洲書
風

月資吟筆杉篁籠靜居滿城誰不重見著紫衣初

天台集卷下

欽定四庫全書

天台前集別編

宋 林表民 編

茅初成昇天謠

秦時邑謠

神仙得者茅初成
駕龍上昇入太清
時下玄洲戲赤城
繼世而往在我盈
帝若學之臘嘉平

和紫微右英夫人

王子晉

見真誥

寫我金庭館
解駕三秀畿
夜芝披華峰
咀嚼充長饑
高

唱無逍遙各興有待歌空洞詡靈音無待將如何

遊仙詩

曹植

翱翔九天上騁轡遠行遊東觀扶桑曜西臨弱水流北極登玄渚南翔陟丹丘

登永寧江望海

謝靈運

開春獻初歲白日出悠悠蕩志將愉樂瞰海始忘憂策馬步蘭皋縹鞚息椒丘採蕙遵大浦蹇苔履長洲白華縞陽林紫藟玄春流非徒不弭忘覽物情彌適萱蘇始

無慰寂寞終可求

錢臨海太守劉孝儀蜀郡太守劉孝勝

梁簡文帝

碣石臨東海峨嵋距西候
兩社昔夾河二龍今出守
方夜無犬驚向息神牛鬪
涼風繞輕幕麥雨交新溜
念此一銜觴懷離在惟舊

別王謙

吳均

嚴光不遂世流轉任飛蓬
欲還天台嶺不狎甘泉宮
離

歌玉玄絕別酒金卮空儻遺故人念僕在東山東

道士步虛詞

庾信

歸心遊太極迴向入無名五香芬紫府千燈照赤城鳳
林採桐實春山種玉榮夏簧三舌響春鐘九乳鳴絳河
應遠別黃鵠來相迎

春日行歌

劉希夷

山樹落梅花飛落野人家野人何所有滿甕陽春酒携
酒向春臺山歌伴落梅醉罷卧明月乘夢遊天台

寄胡皓時在南中

李又

徭役苦流滯風波限溯洄江流通地骨山道繞天台有
鳥圖南去無人自北來閉門滄海曲雲霧待君開

潤州送師弟自江夏往台州

崔峒

遠客乘流去孤帆向夜開春風江上使前日漢陽來別
路猶千里離心重一栢剡溪木未落羨爾過天台

送周判官往台州

孫逖

吾宗長作賦登陸訪天台星使行看入雲仙意轉催飲

水攀璀璨驅傳歷莓苔日暮東郊別真情去不回

送蘇倩遊天台

張子容

靈異尋滄海笙歌訪翠微水鷗迎共狎雲鶴待將飛琪
樹嘗仙果瓊樓試羽衣遙知神女問獨怪阮郎歸

寄天台司馬道士

沈如筠

河洲花艷燭庭樹光彩藉白雲天台山可思不可見

寄天台司馬道士

張說

世上求真客天台去不還傳聞有仙要夢寐在茲山朱

闕青霞斷瑤堂紫月閑何時枉飛鶴笙吹接人間

寄天台司馬先生

崔湜

聞有三元客祈仙九轉成人間白雲返天上赤龍迎尚
惜金枝晚仍攀琪樹榮何季緱嶺上一謝洛陽城

題石橋琪樹

蔡隱丘

山上天將近人間路漸遙誰當雲裏見知欲渡仙橋

蜀城哭台州樂安俞少府

蘇頲

遠遊躋劍閣長想屬天台萬里隔三載此邦余重來音

容曠不睹夢寐殊悠哉邊郡饒籍籍晚庭正回回喜傳
上都封因促傍吏開何悟海鹽客已而梁木摧變衣寢
門外揮涕少城隈却計分明得猶持委曲猜師儒昔訓
獎仲季時童孩服義陳書篋邀歡泛酒杯斲令風雨散
仍迫歲時迴其道惟正直其人信美俛白頭還作尉黃綬
固非才可歎懸蛇疾先貽問鵬災故鄉閉窮壤宿草生
寒芟零落九原去蹉跎四序催曩期冬贈橘今哭夏成
梅執禮誰為贈居常不徇財北登嶺巖東望姑蘇臺

天路本懸絕江波空溯洄念孤心易斷追往恨難裁不
遂卿將伯孰云陳與雷衰殘亦如此夫子復何哀

臨海山行

周瑀

朝見青山雲暮見青山雲雲山無斷絕秋思日紛紛

宿中山翠微寺空上人房

孟浩然

翠微終南裏雨後宜返照閉闔久沉冥杖策一遊眺遂
造幽人室始知靜者妙儒道雖異門雲林頗同調兩心
喜相得畢景共談笑暝還高寤眠時見遠山燒緬懷赤

城標更憶臨海嶠風泉有清音何必蘇門嘯

贈僧崖公

李白

昔在朗陵東學禪白眉空大地了鏡徹回旋寄輪風攬
彼造化力持為我神通晚謁太山君親見日沒雲中夜
卧山月拂衣逃人羣授余金仙道曠劫未始聞冥機發
天光獨朗謝垢氛虛舟不繫物觀化遊江濱江濱遇同
聲道崖乃僧英說法動海嶽遊方化公卿手秉玉麈尾
如登白樓亭微言注百川亶亶信可聽一風鼓羣有萬

籟各自鳴啓閉七牕牖託宿掣雷霆自去歷天台搏壁
躡翠屏凌兢石橋去恍惚入青冥昔往今來歸絕景無
不經何日更攜手乘楫向蓬瀛

金陵送張十一再遊東吳

張翰黃花句風流五百年誰人今繼作夫子世稱賢再
動遊吳櫂還浮入海船春光白門柳霞色赤城天去國
難為別思歸各未旋空餘賈生淚相顧共悽然

江上答崔宣城

金定四庫全書
太華三芙蓉明星玉女峰尋仙下西嶽陶令忽相逢問
我將何事湍波 幾重貂裘非季子鶴氅似王恭謬忝
燕臺召而陪郭隗蹤水流知入海雲去或從龍樹色曉
洲月山鳴鵲鎮鐘還期如可許台嶺蔭長松

觀李固請司馬弟山水圖

杜甫

方丈渾連水天台揔映雲人間長見畫老去恨空聞范
蠡舟偏小王喬鶴不羣此生隨萬物何處出塵氛

會稽秋晚奉呈于太守

張繼

寂寂訟庭幽森森戟戶秋山光隱危堞湖色上高樓禹
穴探書罷天台作賦遊雲浮將越客早晚共淹留

送日東僧遊天台

楊夔

一併離日外行指赤城中去自重雲下來從積水東攀
蘿躋石徑挂錫憇松風回首鷄林道唯應夢想通

喜晴

時左遷台
州刺史

李敬方

到台十二旬一片雨中春林果垂闕一畫山苗半夏新

陽烏晴展翅陰魄夜飛輪坐冀無雲物分明見北辰

雜言無錫惠山寺流泉歌

皇甫冉

寺有泉兮泉在山，鏘金鳴玉兮長潺湲。作潭鏡兮澄寺
內，泛巘花兮到人間。土膏脉動知春早，隈隩陰深長苔
草。處處縈回石磴喧，朝朝盥漱山僧老。林松自古草自
新，清流活活無冬春。任疏鑿兮與汲引，若有意兮山中
人。偏依佛界通仙境，明滅玲瓏媚林嶺。宛如太空臨九
潭，詎減天台望三井。我來結綬未經秋，已厭微官憶舊
遊。且復遲回猶未去，此心只為靈泉留。

注葛仙公氣訣贈友人

逸人不顧

見洞天集

君今遣我注仙經我乃為君強釋名華嶽峰前霞客喜
天台洞裏隱人驚雲翔嶂外綠文就鶴唳天邊為氣成
奉勸仙公除自秘莫教流俗浪相輕

題寒山

寒山子

可笑寒山道而無車馬蹤聯谿難記曲疊嶂不知重泣
露千般草吟風一樣松此時迷徑處形問影何從

欲得安身處寒山可長保微風吹幽松近聽聲逾好下

有斑白人喃喃讀黃老十年歸不得忘却來時道

慣居幽隱處乍向國清中時訪豐干道仍來看拾公獨
回上高巖無人話合同尋究無源水源窮水不窮

獨卧重巖下蒸雲晝不消室中雖暵暖心裏絕喧囂夢
去遊金闕魂歸度石橋拋除鬧我者歷歷樹間瓢

我聞天台山山中有琪樹永言欲攀上莫曉石橋路緣
此生悲嘆幸居將已暮今日觀鏡中颯颯鬢垂素

寒山多幽竒登者皆恒懾月照水澄澄風吹草獵獵凋

梅雪作花杌木雲充葉觸雨轉鮮靈非晴不可涉

卜擇幽居地天台更莫言猿啼谿霧冷嶽色草門連落
葉覆松室開池引澗泉已甘休萬事採薇度殘年

一自遯寒山養命餐山果平生何所憂此世隨緣過日
月如逝川先陰石中火任你天地移我暢巖中坐

自樂平生道烟羅石洞間野情多放曠長伴白雲閒有
路不通世無心孰可攀石牀孤夜坐圓月上寒山

丹丘迴聳與雲齊空裏五峰遙望低雁塔高排出青嶂

禪林古殿入虹霓風搖松葉赤城秀霧吐中巖仙路迷
碧落千山萬仞境藤蘿相接次連溪

閒遊華頂上日朗晝光輝四顧晴空裏白雲同鶴飛

同前二首

拾得

閒入天台洞訪人人不知寒山為伴侶松下噉靈芝每
談今古事嗟見世愚痴箇箇入地獄那得出頭時

迢迢山徑峻萬仞險隘危石橋莓苔綠時見片雲飛瀑
布懸如練月影落潭輝更登華頂上猶待孤鶴期

登紫霄峰贈仙師

即李紳所題北
峯黃道士也

楊 衡

紫霄不可涉靈峰信穹室下有瓊樹枝上有翠髮翁鷄
鳴秋漢側日出紅霞中燦燦真仙子執旄為侍童焚香
杳忘言默思合太空世華徒熠燿虛室自蒙朧雲飛瓊
瑤圃龜息芝蘭叢玉籙掩不開天窓微微風茲焉悟佳
旨塵憶亦幽通浩淼臨廣津永用挹無窮

贈羅浮易鍊師

海上多仙嶠靈人信長生榮衛冰雪姿嚙嚼日月精默

書絳符遍晦步斗文成翠髮披肩長金骨凌風輕曉籟
息塵響天雞叱幽聲碧樹來戶陰丹霞照窓明焚香扣
虛寂稽首面太清鸞鷺振羽儀飛翻拂旆旌左挹玉泉
液右搴雲芝英念得參龍駕攀天度赤城

送丁著作佐天台郡

錢起

多年金馬客名遂動歸輪佐郡紫書下過門朱紱新揚
舲望海嶽入境背風塵水驛偏乘月梅園別受春帶經
臨府吏膾鯉偶鄉人始見羨高士逍遙在搢紳

雨中望海上懷鬱林觀中道侶

山觀海頭雨懸森動烟樹只疑蒼茫裏鬱鳥欲飛去大
塊怒天吳驚潮蕩雲路羣真儼盈想一葦不可渡惆悵
赤城期願駕輕鴻渡

和袁郎中破賊後軍行過剡中山水謹上太尉

李即

公光
弼

劉長卿

剡路除荆棘王師罷鼓鞞農歸滄海畔圍解赤城西赦
罪陽春發收兵太白低遠峰來馬首橫吹入猿啼蘭渚

催新渥桃源識故蹊已聞開閣待誰許臥東溪

送台州崔錄事

權德輿

不嫌臨海遠微祿代躬耕古郡紀綱職扁舟山水程詩
因琪樹麕心與瀑泉清盛府知音在何時薦政成

寄王尊師

張祜

天台南洞一靈仙骨聳氷稜貌瑩然曾對檣蒲長昧齒
重來華表不知年溪橋晚下玄龜出草路朝行白鹿眠
猶憶夜深華蓋上更無人處話丹田

酬答柳宗言秀才見贈

南下天台厭絕冥五湖波上汎如萍江鷗自戲為蹤跡
野鹿閑驚是性靈任子偶垂滄海釣戴逵虛認少微星
金門後俊徒相唁且為人間寄茯苓

廳前桂

白居易

天台嶺上凌霜樹司馬廳前委地叢一種不生明月裏
山中猶較勝塵中

宿一公精舍

溫庭筠

夜闌黃葉寺瓶錫兩俱能松下石橋路雨中山殿燈茶
爐天姥客棋席剡溪僧還笑長門賦高秋臥茂陵

宿凌上人房

李郢

重公舊相識一夕話勞生藥裹關身病經函寄道情嶽
寒當寺色灘夜入樓聲不待移文誚三年別赤城

送陟霞上人遊天台

姚合

萬疊赤城路終年遊客稀朝來送師去自覺有家非石
淨山光遠雲深海色微此詩成亦鄙為我寫巖扉

遊天台上方

曉上上方高處立
路人羨我此時身
白雲向我頭上過
我更羨雲多路人

題禪林寺

釋無可

台山朝佛隴
勝地絕埃氛
冷色石橋月
素光華頂雲
遠泉和雪溜
幽磬帶松聞
終斷遊方念
爐香繼此焚

送鄭山人遊江湖

賈島

南遊衡嶽上
東往天台裏
足躡華頂峰
目觀滄海水

宿慈恩寺郁公房

病身來寄宿自掃一牀閑
反照臨江磬新秋過雨山竹
陰移冷月荷氣帶禪闕
獨往天台意方從內請還

送無可上人

圭峰霽色新送此草堂人
塵尾同離寺螿鳴暫別秦
獨行潭底影數息樹邊身
終有煙霞約天台作近隣

送羅少府歸牛渚

作尉長安始三日忽思牛渚夢
天台楚山遠色獨歸去

灞水空流相送回霜覆鶴身松子落月分螢影石房開
白雲多處應頻到寒澗泠泠漱古苔

贈僧

從來多是遊山水省泊禪舟月下濤初過石橋年尚少
久辭天柱臘應高青松帶雪懸銅錫白髮如霜落鐵刀
常恐畫工援筆寫身長七尺有眉毫

酬慈恩寺文郁上人

袈裟影入禁池清猶憶鄉山近赤城籬落罇間寒蟬過

莓苔石上晚蛩行期登野閣閑應甚阻宿幽房疾未平
聞說又尋南嶽去無端興思忽然生

小游仙二首

曹唐

玉皇賜妾紫衣裳教向桃源嫁阮郎爛煮瓊花與君喫
恐君毛髮暗成霜

閑來洞口訪劉君緩步輕搵玉線裙細擘桃花逐流水
更無言語倚彤雲

真人酬寄羨門子

雲洞煙深意自迷，憶君腸斷武陵溪。
三山未覺家中遠，九府那知路甚低。
絳闕有時申再會，赤城何日手重携。
唯愁不得分明語，惆悵長霄月又西。

送董卿赴台州

張蠙

九陌除書出，尋僧問海城。
家從中路挈，吏隔數州迎。
夜蚌侵燈影，春禽雜櫓聲。
開圖見異跡，思上石橋行。

仙人詞

陳陶

赤城門前六丁直，曉日已燒東海色。
朝天半路聞玉雞。

星斗離離礙龍翼

淮信賀滕邁知台州

趙嘏

凋瘵民思太古風
上賢綏緝副宸衷
舟移清鏡禹祠北
路轉翠屏天姥東
旌旆影前橫竹馬
詠歌聲裏樂樵童
遙知到郡滄波晏
三島離離一望中

早發天台中巖寺度關嶺次天姥峯

許渾

來往天台天姥間
欲求真訣駐衰顏
星河半落巖前寺

雲霧初開嶺上闕丹壑樹多風浩浩碧溪苔淺水潺潺
可知劉阮逢人處行盡深山又是山

乘月棹舟送大厯寺靈揔上人不及

萬峰秋盡百泉清舊鑠禪扉在赤城楓浦客來煙未散
竹窗僧去月猶明柘浮野渡魚龍遠錫響空山虎豹驚
一字不留何足訝白雲無路水無情

送郭秀才遊天台

并序

嘗與郭秀才同翫朱審畫天台山圖秀才因遊

是山題詩贈別焉

雲埋陰壑雪凝峰半壁天台已萬重人渡碧溪疑輟棹
僧歸蒼嶺侶聞鐘暖眠鷓鴣晴灘草高挂獼猴暮澗松
曾約共遊今獨去赤城西面水溶溶

宿東橫山瀨

孤舟路漸賒時見碧桃花溪雨灘聲急巖風樹勢斜獼
猴懸弱蔓鷓鴣睡橫槎漫向仙林宿無人識阮家

發靈溪館

山多水不窮一葉似魚翁
鳥浴寒潭雨猿吟暮嶺風
雜英垂錦繡衆籟合絲桐
應有桃溪路千巘萬壑中

陪越州使院諸公鏡波館餞明台裴鄭二使君

傾幕來華館淹留二使君
舞移清夜月歌斷碧空雲
海郡樓臺接江船劍戟分明時
自軒翥無復歎離群

過台州李郎中舊居

政成身沒共興哀
鄉路兵戈旅櫬回
城上暮雲凝鼓角
海邊春草閉池臺
經年未葬佳人散
昨日因齋故吏來

南北相逢皆掩泣
白蘋洲暝一花開

陪鄭使君汎舟晚歸

南郭望歸處
郡樓高卷簾
平橋低皂蓋
曲岸轉彤檐
江晚笙歌促
山晴鼓角嚴
羊公莫先醉
清曉月纖纖

將赴京師題孫處士山居

草堂近西郭
遙對敬亭開
枕膩海雲起
簟凉山雨來
高歌懷地肺
遠賦憶天台
應學相如志
終須駟馬回

謁昇仙太子廟

鄭畋

在昔靈王子吹笙溯沅寥六宮攀不住三島互相招亡
國原陵古賓天歲月遥無蹊窺海曲有廟訪山椒石帳
龍蛇拱雲樓彩翠銷露壇裝琬琰真像寫松喬珠館青
童宴琳宮阿母朝氣輿仙女侍天馬吏兵調湘妓紅絲
瑟秦郎白管簫西城邀綽約南嶽命嬌嬈句曲觴金洞
天台嘯石橋晚花珠弄藥春茹玉生苗二景神光秘三
元寶籙饒霧垂鴉翅髮冰束虎章腰鶴馭爭銜箭龍妃
各獻綃衣從星渚浣丹就日宮燒物外花常滿人間葉

自凋望臺悲漢戾闕水笑梁昭古殿香殘地荒堦柳長
條幾曾期七日無復降重霄嵩嶺絕天漢伊瀾入海潮
何由得真訣使我珮環飄

贈頭陀僧

張喬

自說年深別石橋遍遊靈跡熟南朝已知世路皆虛幻
不覺空門是寂寥滄海附船浮浪久碧山尋塔上雲遙
如今竹院藏衰老一點寒燈弟子燒

逢僧

清塞

即周賀也

帶疾稀相見
西城早晚來
山房風壞衲
香罐雨霑灰
坐久鐘聲盡
談餘嶽影回
卻思同宿夜
高枕話天台

贈厲玄侍御

山松徑與瀑泉通
巾舄行吟想越中
塞雁去經華頂末
鄉僧來自海濤東
關分河漢秋鐘絕
露滴獼猴夜獄空
抱疾因尋周柱史
杜陵寒葉落無窮

冬日喜同志宿

劉得仁

相逢話清夜
言實轉相知
共道名雖切
唯論命不疑
吟

身坐霜石眠鳥握風枝別憶天台客煙霞昔有期

送錢特卿赴職天台

方干

路入仙溪氣象清垂鞭樹石罅中行霧昏不見西陵岸
風急先聞瀑布聲山下縣寮張樂送海邊津吏棹舟迎
詩家弟子無多少唯只於余別有情

送梁道士

周朴

舊居桐柏觀歸去愛閑安倒樹造新屋化人修古壇晚
花霜後落山雨夜深寒應有同溪客相尋學鍊丹

送姚郎中罷郡遊戲

即姚鵠也

鄭巢

逍遙方罷郡高興接東甌
幾處行杉迳何時宿石樓
潮聲穿古竇花影在空舟
惆悵雲門路無因得從遊

贈西明寺覺上人房

李洞

御溝尋岸行遠岫見雲生
松下度三伏磬中銷五更
雨淋經閣白日閃剃刀
明海畔終湏去燒燈
老國清

華頂杖

毗陵處士魏君有天台杖一色黠而力道謂之華頂杖

皮日休

金庭仙樹枝道客自携持深洞求丹粟挑雲覓白芝
量泉將濯足闌鶴把支頤以此將為贈唯君盡得知

奉和

陸龜蒙

萬古陰崖雪靈根不為枯瘦於霜鶴脰竒侶黑龍鬚
挂訪譚玄客持看潑墨圖湖雲如有路兼可到仙都

送董少卿遊茅山

皮日休

威輦高懸度世名至今仙裔作公卿將隨羽節朝珠闕
曾佩魚符管赤城

舊嘗判
台州

雲凍尚含孤石色雪乾猶

墮古松聲應知四扇靈方在待取歸時綠髮生

寒日書齋即事

不知何事有生涯皮褐親裁學道家深夜數甌唯柏葉
清晨一器是雲華雲母別名盆池有鷺窺蘋末石版無人掃
桂花江漢欲歸應未得夜來頻夢赤城霞

寒夜文宴

分明鏡裏七香牋王朗風姿盡列仙盈篋共開華頂藥
滿餅同拆慧山泉蟬因霜重金膏溢橘為風多玉腦鮮

吟罷不知詩首數，隔林明月過中天。

奉和皮日休懷華陽潤卿博士
陸龜蒙

火景應難到洞宮，蕭閒堂冷任天風。
談玄塵尾拋雲底，服散龍胎在酒中。
有路還將赤城接，無泉不共紫河通。
竒編早晚教傳授，免呂神仙問葛洪。

送項山人歸天台

杜荀鶴

因話天台歸思生，布囊藤杖笑離城。
不教日月拘身事，自與烟蘿結野情。
龍鎮古潭雲色黑，露淋秋檜鶴聲清。

此中是處堪終隱何要世人知姓名

華頂道者

項斯

仙人掌中住生有上天期已廢燒丹處猶多種杏時養
龍於淺水寄鶴在高枝得道即無事相逢盡日碁

憶張處士

王貞白

天台張處士詩句造玄微古樂知音少名言與俗違山
風入松徑海月上巘扉畢世惟高臥無人說是非

寄剡縣主簿

羅隱

金庭養真地朱篆勾稽官境勝堪長往時危喜暫安洞
連滄海濶山擁赤城寒他日拋塵土因君擬鍊丹

大遊仙詩

歐陽炳

赤城霞起武陵春桐柏先生解守真白石橋高曾縱步
朱陽館靖每存神囊中隱訣多仙術肘後方書濟俗人
自領蓬萊都水監只憂滄海變成塵

冬日原居酬光上人見訪

熊皎

吾道喪已久吾師何此來門無塵事閉卷有國風開野

迥霜先白庭荒葉自堆寒暄吟罷後猶喜話天台

遊靈溪觀

即福聖也

盧士衡

雲藏寶殿風塵外粉壁松軒入看初話久仙童顏色老
病來玄鶴羽毛踈樵翁接引尋紅木道士留連說子書
不為壯心降未得便堪從此翫清虛

武肅王有旨石橋設齋會進一詩

延壽

南有天台事可尊孕靈含秀獨超羣重重曲澗侵危石

步步層巘踏碎雲金雀每從雲裏現異香多向夜深聞
當知此界非凡界一道幽竒各自分

仙源佛窟有天台今古嘉名遍九垓石磴嵌空神匠出
瀑泉雄壯雨聲來景強偏感高僧住地勝能令遠思開
一等翹誠依此處自然靈貺作梯媒

智泉福海莫能逾親自王恩運睿謨感現盡冥心境界
資持全固道根株石梁低翥紅鸚鵡煙嶺高翔碧鷓鴣
勝妙重重惟禱祝永資軍庶息灾虞

凌晨迎請倍精誠親散鮮花異處清羅漢攀枝呈梵相
巖僧倚樹現真形神幡雙出紅霞動寶塔全開白氣生
都為王心標意切滿空盈月瑞分明

幡花寶蓋滿清川祈禱迎來聖半千莫道聖緣無影響
須知嘉會有因緣空中長似聞天樂巖畔嘗疑有地仙
何必更尋堯率去重重靈應事昭然

登雲步嶺涉煙程好景隨心次第生聖者已符祥瑞事
地靈全副禱祈情洞深重疊拖雲濕灘淺潺湲漱水清

願滿事圓歸去路便風相送片帆輕

天台集別編

天台集拾遺

登天台

葛

玄

楊白雲
誦

高高山上山山中白雲閑瀑布低頭看青天舉手扳石
橋橫海外風笛落人間不見紅塵客時時鶴往還

靈溪老松歌

盧士衡

靈溪古觀壇西角千尺鱗皴棟梁樸橫出一枝戛樓閣
直上一枝掃寥廓白石蒼苔擁根脚月明風撼寒光落
有時風雨晦暝擺撼若黑龍之騰躍合生於象外峰巒

枉滯乎人間山岳安得巨靈授請託拔向青桂白榆邊
安著

天台道中示同行

章八元

八重巖嶸疊晴空九色煙霞遶洞宮仙道多因迷路得
莫將心事問樵翁

越中行

李頻

越國臨滄海芳州復暮晴湖通諸浦白日隱亂峯明野
宿多無定閑遊免有情天台聞不遠終到石橋行

贈天台隱者

劉滄

靜者多依猿鳥住，衡門野色四郊通。
天開宿霧海生日，水泛落花山有風。
迴望一巢懸木末，獨尋危石坐巖中。
看書飲酒餘無事，自樂漁樵多釣翁。

贈天台王處士

林嵩

深隱天台不記秋，琴臺長別一何愁。
茶烟巖外雲初起，新月潭心釣未收。
映宇異花叢發好，穿松孤鶴一聲幽。
赤城不掩高宗夢，寧久懸冠枕瀑流。

送僧遊天台

貫休

囊空心亦空城郭去騰騰眼作麼是眼僧誰識此僧歇
隈紅樹久笑看白雲崩已有天台約深秋必共登

寒月送玄道士入天台

之子逍遙塵世薄格淡於雲語如鶴相見惟談海上山
碧側青斜冷相沓芒鞋竹杖寒凍時玉霄忽去非有期
僮擔赤籠密雪裏世上無人留得之想入紅霞路深邃
孤峰縱嘯仙颺起星精覩空泣海鬼月湧薄烟花點水

送君丁寧有深旨好尋佛窟遊銀地

佛窟銀地皆天台靈境也

雪眉

衲僧皆正氣伊昔貞白先生同此意若得神聖之藥即
莫忘遠相寄

秋夜翫月懷玉霄道士

光異磨礮出輪非雕琢成今霄剛道別舉世勿人爭征
婦砧添怨詩人哭到明唯宜華頂叟笙磬有餘聲

送僧歸天台寺

天台四絕寺歸去見師真莫折枸杞葉令他拾得嗔天

空聞聖磬瀑細落花巾必若雲中老他時得有隣

寄天台葉道士

負局真風不可陪玉霄峰北置樓臺注參同契未將出
尋榔栗僧多宿來颼械松風山棗落間闕溪鳥朮花開
終須肘後相傳好莫便乘鸞去不迴

寄詮律師院

錦溪光裏聳樓臺師院高陵積翠開深竹杪聞殘磬盡
一茶中見數帆來焚香只是看新律幽步猶疑損綠苔

莫訝題詩又東去石房清冷在天台

天台集林君師點編也先是李侯刊之郡齋今其子表民又會稗得百篇搜與扶竒殆無遺恨可謂能廣父志者會齋侯好古如李乃續刊焉今而後遂成完書矣陳耆卿題

天台集舊所刊本頗多舛譌或者妄有增入予甚病之因再輯晉唐以來詩為別編郡守齊公喜而銀諸木遂復釐正舊集闕誤四十有五處及削去沈約沈

道士館玉盤樟林皮日休天竺桂子三詩以李巨仁
登台山李端贈衡岳禪師皮日休夏日即事三詩補
入刊既訖又得二詩姑附載于此嘉定癸未小至日

林表民記



天台集拾遺

總校官進士臣繆琪

校對官中書臣范鏊

騰錄監生臣戴朝琛